

ՍԱՀՄԱՆԱՄԵՐԶ ԳՕՏՈՒՄ

Ինչպես Արմենպրեսի բղբակցին հաղորդեցին Հայաստանի Հանրապետության Ներքին Գործերի նախարարությունում, Մայիսի 8ի ժամը 15ի դրությամբ հանրապետության սահմանամերձ գոտում իրադրությունը մնում էր լարուած, աւելին, գինուորական ստորաբաժանումների ուշադրութեան կենտրոնում աւելացաւ եւս մէկ շրջան՝ Վարդենիսը:

ՎԱՐԴԵՆԻՍ. Առաւօտեան ժամը 11ի մօտ Քէլբաջարի շրջանից Վարդենիսի օդային տարածքն են ներխուժել ռազմական երեք ուղղաթիռ: Որոշ ժամանակ սաւառնելուց յետոյ նըրանք կրկին վերադարձել են հարեւան հանրապետութեան տարածք: Ապա ուղղաթիռների մի ջուկ կրկին երեւացել է Վարդենիսի տարածքում եւ գնդակոծել է Տրետուք գիւղի դաշտում աշխատող տրակտորը:

Ժամը 15ն անց 40 րոպեին շրջանի մի խումբ ղեկավարներ Քէլբաջարի սահմանագծում հանդիպել են ոմն մայոր Գուսեւին, որը նրանց ասել է, որ իրենք կատարում են խՍՀՄ պրեզիդենտի հրամանագիրը անօրինական գինուած ջուկատները գինաթափ անելու մասին: Այդ գործողութիւնը ղեկավարում է մի գեներալ, որի տրամադրութեան տակ կայ 40 զրահամեքենայ եւ 4 ուղղաթիռ:

Նոյն օրը 4 զրահամեքենայ եւ մէկ ռազ-

մական ուղղաթիռ ներխուժել են Զոդի ոսկու կոմբինատի տարածքը: Ուղղաթիռը եւ երկու զրահամեքենաները մօտեցել են կոմբինատի վարչական շէնքին: Ուղղաթիռները օդից կրակ են բացել վարչական շէնքի վրայ եւ հեռացել դէպի Քէլբաջարի շրջանը:

ԿՐԱՍՆՈՍԵԼՍԿ. Զինուորականների կողմից նշանակուած վերջնագրի ժամկետը լրացաւ ժամը 10ին: Դրանից երկուսուկէս ժամ անց 21 տանկեր շրջապատել են գիւղը: Գիւղ մտած գինուորականները գինաթափել են գիւղը պաշտպանող տասը միլիցիաներների: Բացի այդ, գիւղում նրանք բռնագրաւել են եւս 27 որսորդական հրացան, մէկական հակակարկտային հրանոթ եւ քարշակ: Նըրանք սպառնացել են արծուաշէնցիներին, որ վաղը նոյնպէս կը գան եւ շներով կը խուզարկեն ողջ գիւղը:

նը նոյնպէս լարուած է. գինուորականները այստեղ են մտցրել երեք տանկ, որոնցից մէկը գտնում է Շուռնուխ գիւղում, միւսը՝ անտառում, իսկ երրորդը՝ Բարձրաշէն գիւղում:

ԻԶԵԻԱՆ. Վերադարձուել են Կիրանց գիւղից վերցուած երեք պատանդները: Երեկոյեան ժամը 18ին Ղազախի կողմից կատիւշաներից գնդակոծուել են Աճարկուտ աւանը, Կիրանց, Բերքաբեր գիւղերը: Նոյն ժամերին Սոֆլու գիւղի կողմից գնդակոծուել է Ազատամուտ աւանը: Կիրանց գիւղում ուղղաթիռներով դեսանտ է իջեցուել:

ՏԱՌԻՇ. Ներքին Կարմիրաղբիւր գիւղը առաւօտեան ուղղաթիռներից ռմբակոծելուց յետոյ «քաջարի օդաչուները» եւս երեք անգամ այցելել են այդ գիւղը, շարունակելով գնդակոծութիւնը: Բերդի օդանաւակայանը շրջապատուած է: Այն գնդակոծուած է: Բերդիցեւան ավտոմայրու-

ղում, Պառաւաքար գիւղի մօտ գինուորականները գնդակոծել են անցնող բոլոր ավտոմեքենաները: Բարեբախտաբար, չկան ո՛չ զոհուածներ, ո՛չ էլ վիրաւոներ: Ներկայումս այդ ճանապահը փակ է:

ԿԱՊԱՆ. Կապան-Գորիս մայրուղու վրայ, Որոտան գետի կամուրջի մօտից մինչեւ Կարմրաքարի հանգստեան տունն ընկած ճանապարհը գինուորականների գնդակոծութեան պատճառով փակ է: Նոյն մայրուղու վրայ 22րդ եւ 43րդ կիլոմետրերի միջեւ ընկած բոլոր հայկական գիւղերը պարբերաբար ենթարկուած են գնդակոծութեան:

Այսօր «Էրեբունի» օդանաւակայանում վայրէջք կատարեցին երկու ուղղաթիռ եւ «ՅԵԱԿ-40» երեք ինքնաթիռ, որոնք Ստեփանակերտից երեւան հասցրին 130 գետաշէնցիների՝ կանանց, ծերերի ու երեխաների:

ԳՈՐԻՍ. Իրադրութիւ-